

**ԱՐԺԵԹՂԹԵՐԻ (ՀԱՍԱՐԱԿ ԱՆՎԱՆԱԿԱՆ ԲԱԺՆԵՏՈՍՍԵՐԻ) ՍԵՓԱԿԱՆԱՏԵՐԵՐԻ  
(ԱՆՎԱՆԱՏԵՐԵՐԻ) ՌԵՏՍՏՐԻ ՎԱՐՄԱՆ ՊԱՅՄԱՆԱԳԻՐ**

**Ք. Երևան**

«   » ..... 2009թ.

«.....» .ԲԸ -ն /այսուհետ՝ Պատվիրատու/, ի դեմս տնօրեն ի, որը գործում է  
ընկերության կանոնադրության հիման վրա, մի կողմից, և «ՀԱՅԱՍՏԱՆԻ ԿԵՆՏՐՈՆԱԿԱՆ  
**ԴԵՊՈԶԻՏԱՐԻԱ» ԲԲԸ**-ն, /այսուհետ՝ Կատարող/, ի դեմս տնօրեն **Վահան Ստեփանյանի**, որը գործում է  
ընկերության կանոնադրության հիման վրա, մյուս կողմից, կնքեցին սույն պայմանագիրը հետևյալի մասին.

**1. ՊԱՅՄԱՆԱԳՐԻ ԱՌԱՐԿԱՆ**

1.1. Սույն պայմանագրով Կատարողը պարտավորվում է Պատվիրատուի հանձնարարությամբ մատուցել ՀՀ օրենսդրությամբ և «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԲԸ կանոններով նախատեսված ծառայությունները /այսուհետ՝ Ծառայություններ/, իսկ Պատվիրատուն պարտավորվում է վճարել մատուցվող Ծառայությունների գինը:

**2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ**

2.1. Կատարողը պարտավոր է.

2.1.1. Ծառայությունները մատուցել պատշաճ որակով.

2.1.2. Ծառայությունները մատուցել ամբողջ ծավալով, ՀՀ կենտրոնական բանկում գրանցված «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԲԸ-ի կանոններով սահմանված ժամկետում և կարգով.

2.1.3. օրենքով սահմանված կարգով ուժի մեջ մտնելուց հետո եռօրյա ժամկետում Պատվիրատուին տեղեկացնել «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԲԸ-ի այն կանոնների մեջ կատարվող փոփոխությունների մասին, որոնք վերաբերվում են սույն պայմանագրով մատուցվող Ծառայությունների մատուցման ժամկետներին, կարգին և զնին: Սույն կետի իմաստով պատշաճ տեղեկացում է համարվում համապատասխան տեղեկությունները Կատարողի պաշտոնական՝ [www.nasdaqomx.am](http://www.nasdaqomx.am) ինտերնետային կայքում գետեղելը:

2.2. Պատվիրատուն պարտավոր է.

2.2.1. Կատարողին տեղեկացնել արժեթղթերի սեփականատերերի վերաբերյալ ՀՀ օրենսդրությամբ սահմանված տվյալների, անճշտությունների, լրացումների մասին և տրամադրել դրանց վերաբերյալ համապատասխան փաստաթղթեր.

2.2.2. մատուցված Ծառայությունների դիմաց վճարել սույն պայմանագրի 3.1-րդ կետում նշված գինը:

2.3. Կատարողն իրավունք ունի.

2.3.1. հրաժարվել սույն պայմանագրով նախատեսված իր պարտավորությունների կատարումից, եթե Թողարկողի կողմից խախտվել են սույն պայմանագրի 3-րդ կետի պահանջները:

2.4. Պատվիրատուն իրավունք ունի.

2.4.1. Կատարողից պահանջել սույն պայմանագրով նախատեսված Ծառայությունների ժամանակին և լրիվ ծավալով մատուցում:

**3. ՄԱՏՈՒՑՎՈՂ ԾԱՌԱՅՈՒԹՅՈՒՆՆԵՐԻ ԳԻՆԸ ԵՎ ՎՃԱՐՄԱՆ ԿԱՐԳԸ**

3.1. Պատվիրատուն Կատարողի կողմից մատուցված /մատուցվող/ Ծառայությունների համար վճարումները կատարում է ՀՀ կենտրոնական բանկում գրանցված «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԲԸ-ի «Սակագների մասին» կանոններով սահմանված սակագներին համապատասխան, դրանով սահմանված կարգով ու ժամկետներում: «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԲԸ-ի «Սակագների մասին» կանոնները գետեղված են Կատարողի պաշտոնական ինտերնետային կայքում՝ [www.nasdaqomx.am](http://www.nasdaqomx.am) հասցեում :

3.2. Սույն պայմանագրի 3.1 կետով սահմանված վճարումները ուշացնելու դեպքում Պատվիրատուն վճարում է «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԲԸ-ի «Մակագների մասին» կանոններով սահմանված տույժ՝ ուշացման յուրաքանչյուր օրվա համար վճարման ենթակա գումարի 0,15 տոկոսի չափով:

#### **4. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

4.1. Պատվիրատուն ՀՀ օրենսդրությամբ սահմանված կարգով պատասխանատվություն է կրում Կատարողին տրամադրված տվյալների հավաստիության համար:

4.2. Կատարողը պատասխանատվություն չի կրում ռեեստրի հետ կապված գործողությունների իրականացման հետևանքով Պատվիրատուի կամ արժեթղթ(եր)ի սեփականատիրոջ կրած վնասների համար, եթե նշված գործողությունները կատարվել են վերջիններիս հանձնարարականների հիման վրա:

4.3. Կատարողը պատասխանատվություն չի կրում մինչև սույն պայմանագրի կնքումը Պատվիրատուի ռեեստրը վարող անձանց գործողությունների և իրեն ներկայացված փաստաթղթերի հավաստիության համար, որի պատասխանատվությունը կրում է Պատվիրատուն :

4.4. Եթե Կատարողը չի կատարել կամ ոչ պատշաճ կերպով է կատարել սույն պայմանագրով ստանձնած իր պարտականությունները, ապա նա Պատվիրատուի և նրա սեփականատերերի առջև պատասխանատվություն է կրում նրանց պատճառված վնասների համար, եթե դրանք առաջացել են Կատարողի մեղքով:

4.5. Սույն պայմանագրով սահմանված պարտականությունների չկատարման կամ ոչ պատշաճ կատարման դեպքում կողմերը ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել:

#### **5. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ**

5.1. Կատարողն իր պարտականությունների կատարմանը ձեռնամուխ է լինում սույն պայմանագիրը կնքելու հաջորդ օրվանից:

5.2. Պայմանագիրը գործում է անորոշ ժամկետով և կարող է լուծվել միայն ՀՀ քաղաքացիական օրենսգրքով, այլ օրենքներով ու իրավական ակտերով սահմանված կարգով :

#### **6. ՏԵՂԵԿԱՏՎՈՒԹՅԱՆ ԳԱՂՏՆԻՈՒԹՅՈՒՆԸ**

6.1. Կատարողի մոտ սույն պայմանագրի համաձայն պահպանվող տեղեկատվությունը հանդիսանում է Պատվիրատուի սեփականությունը:

6.2. Կատարողը պարտավոր է պահպանել նշված տեղեկատվության գաղտնիությունը և իրավունք ունի այն տրամադրել երրորդ անձանց միայն ՀՀ օրենսդրությամբ նախատեսված դեպքերում և կարգով:

6.3. Կատարողն իրավունք չունի նշված տեղեկատվությունը ծառայեցնել սեփական նպատակներին:

6.4. Կատարողը պատասխանատվություն է կրում նշված տեղեկատվության տարածման կամ օգտագործման համար՝ ՀՀ օրենսդրությամբ սահմանված կարգով:

#### **7. ԾԱՆՈՒՑԱԳՐԵՐ**

7.1. Պայմանագրի կողմերի միջև ծանուցումները և հաղորդագրությունները պետք է ձևակերպված լինեն գրավոր, ստորագրված իրավասու անձանց կողմից և կնքված ընկերության կնիքով (առկայության դեպքում), հանձնված անձնապես (ուղարկողի օրինակի վրա ստացողի կողմից ստանալու վերաբերյալ նշում կատարելով), ուղարկված ֆաքսի կամ էլեկտրոնային փոստի միջոցով (ստանալու վերաբերյալ ֆաքսի կամ էլեկտրոնային փոստի միջոցով ուղարկողին տեղյակ պահելով) կամ ուղարկված «Փաստաթղթերի հատուկ առաքման մասին» ՀՀ օրենքին համապատասխան:

#### **8. ԱՅԼ ԴՐՈՒՅԹՆԵՐ**

8.1. Սույն պայմանագրում փոփոխություններ կամ լրացումներ կարող են կատարվել միայն կողմերի համաձայնությամբ՝ գրավոր ձևով:

8.2. Սույն պայմանագրի կողմը իրավունք ունի այլ անձի փոխանցել սույն պայմանագրով սահմանված իր իրավունքներն ու պարտավորությունները միայն մյուս կողմի գրավոր համաձայնությամբ, եթե ՀՀ օրենքներով և այլ իրավական ակտերով այլ բան սահմանված չէ:

8.3. Սույն պայմանագրով ստանձնած պարտավորությունների վերաբերյալ կողմերի միջև ծագած վեճերը լուծվում են ՀՀ օրենսդրությամբ նախատեսված կարգով:

8.4. Սույն պայմանագիրը կնքվում է հայերեն լեզվով՝ երկու հավասարազոր օրինակից՝ յուրաքանչյուր կողմի համար մեկ օրինակ:

8.5. Պայմանագրի կողմերի լիազորված անձանց տվյալները կցված են սույն պայմանագրին և հանդիսանում են դրա անբաժանելի մասը :

8.6. Պատվիրատուն սույն պայմանագիրը կնքելուց առաջ ծանոթացել է ՀՀ կենտրոնական բանկում գրանցված «ՀԱՅԱՍՏԱՆԻ ԿԵՆՏՐՈՆԱԿԱՆ ԴԵՊՈԶԻՏԱՐԻԱ» ԲԲԸ -ի կանոններին և անհրաժեշտ այլ նորմատիվ իրավական ակտերին:

**9. ԿՈՂՄԵՐԻ ՀԱՑՅԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՍԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ.**

**Պատվիրատու**

հասցե՝

Հ/Հ

հեռ՝

\_\_\_\_\_  
/ստորագրություն/

**Կատարող**

ք.Երևան, Մ. Սկրտչյան 5բ

«Հայբիզնեսբանկ» ՓԲԸ

Հ/Հ 1150000517850100

հեռ. 54-33-21 (125)

\_\_\_\_\_  
/ստորագրություն/

## **Կողմերի լիազորված անձինք**

Պատվիրատուի լիազորված անձինք

Անուն, ազգանուն	Անձնագրային տվյալներ	Պաշտոն	Հեռախոս	Ստորագրության նմուշը

Լիազորված անձինք իրավունք ունեն կատարել հետևյալ գործողությունները՝  
(նշում կատարել քառակուսու մեջ)

- տալ հանձնարարագրեր,
- ստորագրել դիմումներ, պայմանագրեր և համաձայնագրեր,
- ներկայացնել փաստաթղթեր,
- ստանալ ռեեստրից քաղվածքներ, ինչպես նաև այլ փաստաթղթեր,
- այլ գործողություններ (թվարկել)

Հաստատում եմ՝ \_\_\_\_\_

Կ.Տ

Կատարողի լիազորված անձինք

Անուն, ազգանուն	Պաշտոն	Հեռախոս	Ստորագրության նմուշը
Հասմիկ Բաղայան	Ռեեստրի վարման քաժնի պետ	54-33-21 (125)	
Թովմաս Անունյան	Գործառնական քաժնի պետ	54-33-21 (130)	

Հաստատում եմ՝ \_\_\_\_\_

Կ.Տ

Սույն ցուցակներն իրավական ուժ ունեն միայն անձը հաստատող փաստաթղթի առկայության դեպքում: